



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ფრანგიშვილი ივერი



ი. ფრანგიშვილი

ფრანგიშვილი ივერი (1930–2006), მეცნიერი მართვის სისტემების, ინფორმატიკისა და გამოთვლითი ტექნიკის დარგში. საქართველოს მეცნიერებათა აკადემიის აკადემიკოსი (1979), საქართველოს მეცნიერებათა აკადემიის ვიცე-პრეზიდენტი (1985). რსფსრ მეცნიერებისა და ტექნიკის დამსახურებული მოღვაწე (1981). დაიბადა საქართველოში, სოფ. დიდ ჯიხაიშში. 1952 წელს დაამთავრა საქართველოს პოლიტექნიკური ინსტიტუტის ენერგეტიკის ფაკულტეტი. 1955 წლიდან მოღვაწეობდა მოსკოვში სსრკ მეცნიერებათა

აკადემიის ავტომატიკისა და ტელემექანიკის (შემდეგ მართვის პრობლემების) ინსტიტუტში, 1970 წლიდან იყო ამავე ინსტიტუტის დირექტორის მოადგილე სამეცნიერო დარგში, 1985 წლიდან - რუსეთის მეცნიერებათა აკადემიის ვ. ტრაპეზნიკოვის სახ. მართვის პრობლემების ინსტიტუტის დირექტორი, 1987 წლიდან - საბჭოთა კავშირის გენერალური კონსტრუქტორი ატომური ელექტროსადგურების ტექნოლოგიური პროცედურების ავტომატიზებული მართვის სისტემების დარგში. 1992 წლიდან იყო საერთაშორისო საინჟინრო აკადემიის ვიცე-პრეზიდენტი. ი. ფრანგიშვილის სამეცნიერო მოღვაწეობის ძირითადი მიმართულებები იყო სისტემური მიდგომისა და ზოგადსისტემური

კანონზომიერებების თეორიისა და პრინციპების დამუშავება სხვადასხვა ბუნების სისტემების ფუნქციონირებისათვის; მოძრავი ამოცანებისა და აღმოჩენისათვის ახალი (ფონური) პრინციპების დამუშავება და სხვ. ი. ფრანგიშვილი წლების მანძილზე ხელმძღვანელობდა ქართულ სათვისტომოს რუსეთში.

ი. ფრანგიშვილი მოსკოვში გარდაიცვალა.
